

# Thaydwan 2



## Dinhmung Akhat

*Damhpouc Ravguangc hei pumtan kaguayna khou tanc liang e*

## Baibal Pary

*Damhpouc Ravguangc hei pumtan kaguayna khou tanc liang e,  
twmei dinhmei pary sinsw o*

**Gaychamv Parybuk Akhat.** Kasap 10-13. *Tanc Liangmei*

Gaychamv Parybuk tuang kasap 10-13 khou hyloumei maengc nunc tei alauc nunc khou lyanna, mi pary tei paclou o.

Nang rui pary tei paclou tang kan e thei alauc nunc liang dat the.

**Alauc nunc rui rac datmei:** Alauc guayna khang kasing 1 lev 2, 1 lev 2, 1 lev 2, 1 lev 2... tilou o. Kasing 1 laatowmei lev 2 laatowmei tei kapam e. Kasing 1 laatowmei tei rui kasing 2 laatowmei khou tei pary tei raclou nina e. Mi tei luai e thei 2 laatowmei tei rui 1 laatowmei khou tei raclou dat nina e. Luai ngam kan e thei meic guayna kakang akhat na guang kaduai dat nina e.



## Thanvmei khatni Daw Akhyammei

Mi pary lam tei alauc nunc khou thanv o. Alauc nunc ta kakang kanei ti pat o. Reymei kang khou thanv o. Reymei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Reymei kang tei daw nchumh mak e thei, mi lat tei kaneimei kang khou thanv o. Kaniw kakhanh kariuna lat akhat na daw nina e. Kaniw daw nchumh e thei point akhat tii o.

Chak kariuloumei sing blackboard ramh e thei che paek akhat khou lyanlou o.

Mi tangv kaneimei kang khou mi pary tuang latthanv baihmei thanv o. Kaneimei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Kaneimei kang tei daw nchumh mak e thei, mi lat tei reymei kang khou thanv o. Kaniw kakhanh kariuna lat akhat na daw nina e. Kaniw daw nchumh e thei point akhat tii o.

# Thaydwan 2



Mi kumcna mi pary lamv khou tei kakang kanei khou tei ary aryna thanv o.

Daw nchumh mak e thei, gay e tiki ai thanvmei thu mi tei thu ramh e twna katilou o. Daw nchumh e thei, nchumh the! Sw chuy the! twna katilou o.

Nang thanv nuhmei khatni mi tuang latdau nunc mi khou hei nai e.

**'Ai Damhpouc Ravguangc kumc puni' twna thow rui sa bo?**

Simei bumaengc.

**Mi drama khourui aniu tabui thay bo?**

Damhpouc Ravguangc hei tanc liangc e.

**Mi bumaengh nunc tuang ric hei tabui khou sw kan to?**

Tingkauh khou.

**Tabui sw tina Damhpouc Ravguangc tanc liang to?**

Kamei hei tanc liang e kalam thu kamei rui ramh guayna damclou e.

**Damhpouc Ravguangc hei tanc liangmei e twmei thaymei rui aniu khang tabui gaeng bo?**


Damhpouc Ravguangc hei tanc liangmei e twmei thaymei kabac thu simei bumaengc khatni simei bumaengc guay rui ata ngam mak e twmei hei e. Ai Damhpouc Ravguangc khang na lu suanlou e.

Damhpouc  
Ravguangc  
hei  
pumtan  
kaguayna  
khou tanc  
liang e

# Thaydwan 2

## Action Lu

*Damhpouc Ravguangc hei pumtan kaguayna khou tanc liang e,  
twmei dinhmei action lu sinsw o*



Damhpouc Ravguangc, tanc liangmei ngamv (\*3)

Tanc liang (\*3) tanc liangmei ngamv!

Simei bumaenc nunc, ngamv mak e (\*3)

Ngam mak e (\*3) ngam mak e!

Damhpouc Ravguangc, tanc liangmei ngamv (\*3)

Tanc liang (\*3) tanc liangmei ngamv!

## Object Lesson

*Damhpouc Ravguangc hei pumtan kaguayna khou tanc liang e,  
twmei dinhmei object lesson sinsw o*

Ntumei ramh e thei nggaanvmei nchamc ta kaniw pang khou daic liangmei lev nthyam liangmei ta ti baanh anym akhyam tio. Tanc liangmei rui ngam e twmei lyanlouna Damhpouc Ravguangc hei tanc liang e kumna kamei rui ngam tan tan e twmei lyanlou o. Simei bumaengc guay ta ngamlou kan the. Kaniw adow ngam mak khe.

## Bibal Ningtow Chyam Tuang Talicmei

*Damhpouc Ravguangc hei pumtan kaguayna khou tanc liang e,  
twmei dinhmei Baibal chyam sinsw o*

**Ndauhloumei 12:8** 'Thaanngangc (simei bumaengh) tei ngam mak khe, kumna kata (simei bumaengh) katuang baanchara (simei bumaengh guay) guay ta kazauhna tingkauh khou rui nthau pat the.'

**Mystery Picture Words:** Alauc nunc latrik pac thay mak he thei latkaeng phaan kamaengc piu tio. Che paek akhat khou Baibal ningtow chyam khou rui latkaeng akhat hylou tio. Che paek baihmei akhat (kadai nchamcmei) khou mi Baibal ningtow chyam khou rui latkaeng baihmei akhat hylou o. Mi kumna Baibal ningtow chyam tuang latkaeng guayna tei che paek akhat khou hylou ngam o. Che paek sik khou kahiak nthyammei rui point 5 hylou o tiki 'ngam' 'mak khe' twmei hyloumei che paek nunc khou thu point 30 hylou o.

Latkaeng nunc ramh e thei point nunc tei how mak khang che paek guay tei zay nkhumlou o khatni latzwan guay tei zay kariu karalou o.

Damhpouc  
Ravguangc  
hei  
pumtan  
kaguayna  
khou tanc  
liang e

# Thaydwan 2

Damhpouc  
Ravguangc  
hei  
pumtan  
kaguayna  
khou tanc  
liang e

Alauc nunc ta kakang kanei ti patlou o. Kaniw kang khang kapaek akhat kadah khang alauc akhat kapah o. Kaniw khang kapahmei che paek tei zay nthih pat o kumna mi paek khou tei kaniw khang tiimei point tei hylou o.

Point nunc chak kariumei tuang blackboard khou ramh e thei che paek baihmei akhat khou hylou o.

Kaniw kang khang kapaek akhat kadah khang alauc akhat kapah o. Kaniw khang kapahmei che paek tei zay nthih pat o kumna mi paek khou tei tiimei point teikaniw khang hylou o. Lat guay tei lyan pat ngam mak saan mi kumna liangc liangc swna ti kadah o.

Thow rui mi tei kalwan nchumhna duanclou ngam puni cho twna than o (baanh zay thau rey whole ta laa o) kumna mi tei ngam e thei kaniw kang khang swan point 10 tii o.

Alauc nunc tei pac thay mak he thei, lat guay tei kalwan nchumhna duanclou lana alauc nunc thay khang mi ningtow chyam tei salou o.

Ngammei kang khang meic guayna baanh hiwna katiulou o. Baibal ningtow chyam naimei che nunc tei kalwan nchumhna alauc nunc how khang lyanlou o.



## Laalouna Piu Nimei

*Damhpouc Ravguangc hei pumtan kaguayna khou tanc liang e, twmei dinhmei laalouna piu nimei sinsw o*


Damhpouc Ravguangc hei tanc liangmei e twmei thaymei kabac thu simei bumaengc khatni simei bumaengc guay rui ata ngam mak ge twmei hei e. Ai Damhpouc Ravguangc khang na lu suanlou e.

**Huayneymei:** Damhpouc Ravguangc nang hei tanc liangmei zaeng rui thuanku e. Ai nang ta na kalummei khang khatni simei bumaengc khatni simei bumaengc guay aruc khou pumtan maekmei khang thuanku e. Kalam thu nang hei tanc liangmei e. Nang rui akhang adow ngamlou the. Amen.

# Thaydwan 3



Aniu  
Damhpouc  
Ravguangc  
lat liamna  
zinghmei  
khou maan  
bam khou  
nganv,  
Damhpouc  
Ravguangc  
aniu ta  
nzian e



## Dinhmung Akhat

*Aniu Damhpouc Ravguangc lat liamna zinghmei khou maan bam khou nganv, Damhpouc Ravguangc aniu ta nzian e*

## Bibal Pary

*Aniu Damhpouc Ravguangc lat liamna zinghmei khou maan bam khou nganv, Damhpouc Ravguangc aniu ta nzian e, twmei dinhmei pary sinsw o*

**Gaychamv Parybuk Akhat.** Kasap 14-24. *Zinghmei khou Maanmei.*

**Taanhmei naa:** Blackboard khatni chalk, ram e thei niang khatni hiak nimei tuang thing tang, ramh e thei chepaek khatni pensil. Alauc nunc khang hy nlang nimei paek, che, pensil khatni eraser kage nai e. Kamaengc hylouna pary rac o.

1, 2, 3 pary kahouh tho...

Rey liangmei nggaanvmei lev rey liangmei ntumei ta ai how ngam e.

Damhpouc Ravguangc rui hei kumcna sa bammei ai chu ngam e, ‘Gaymei khatnic simei thingbang khou tei rui tu rio.’

Rey liangmei nggaanvmei lev rey liangmei ntumei tei nking mak...nking mak...nking mak khe.

Simei bumaengc rui hei kumcna sa bammei ai chu ngam e, ‘Nang Damhpouc Ravguangc kumc puni. Gaymei khatnic simei thingbang khou tei rui tu tho.’


Rey liangmei ntumei tei rui nking...nking...nking bam e.

Rey liangmei ntumei tei rui hei kumcna sa bammei ai chu ngam e, ‘Ai Damhpouc Ravguangc kumc puni. Gaymei khatnic simei thingbang khou tei rui ai tu puni.’

Rey liangmei ntumei tei tu...tu...tu na bam e.

Rey liangmei nggaanvmei tei rui hei kumcna sa bammei ai chu ngam e, ‘Ai Damhpouc Ravguangc kumc puni. Gaymei khatnic simei thingbang khou tei rui ai tu puni.’

# Thaydwan 3



Rey liangmei nggaanvmei tei tu...tu...tu na bam e.

Rey liangmei nggaanvmei khatnic rey liangmei ntumei ta ai rui how khang karam e.

Rey liangmei nggaanvmei khatnic rey liangmei ntumei tei nkamh bam e.

Damhpouc Ravguangc rui hei kumcna sa bammei ai chu ngam e, 'Ai nangney ta nzian bam di he!'

'Ai rui nangney ta kanduaklou puni. Nangney rui ata phu tow puni.'

Damhpouc Ravguangc guang pu the...

## Thanvmei khatni Daw Akhyammei

Mi pary lam tei alauc nunc khou thanv o. Alauc nunc ta kakang kanei tamclou o. Reymei kang khou thanv o. Reymei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Reymei kang tei daw nchumh mak e thei, mi lat tei kaneimei kang khou thanv o. Kaniw kakhanh kariuna lat akhat na daw nina e. Kaniw daw nchumh e thei point akhat tii o.

Chak kariuloumei sing blackboard ramh e thei che paek akhat khou lyanlou o.

Mi tangv kaneimei kang khou mi pary tuang latthanv baihmei thanv o.

Kaneimei kang tei kakhanh kariuna lat akhat na daw nina e. Kaniw daw nchumh e thei, kaniw khang point akhat tii o. Kaneimei kang tei daw nchumh mak e thei, mi lat tei reymei kang khou thanv o. kaniw kakhanh kariuna lat akhat na daw nina e. Kaniw daw nchumh e thei point akhat tii o.

Mi kumcna mi pary lam khou tei kakang kanei khou tei ary aryna thanv o.

Daw nchumh mak pw e thei, gay e tiki ai thanvmei thu mi tei thu ramh e twna katiulou o. Daw nchumh e thei, nchumh the! Sw chuy the! twna katiulou o.

Kasap akhat khou pat dat ti thei nang thanv nuhmei latthanv khatni daw nimei lat nai puni.

**'Nang ney Damhpouc Ravguangc kumc puni. Gaymei simei bang khou rui tu o' twna thow rui sa bo?**

Simei bumaengc rui.

Aniu  
Damhpouc  
Ravguangc  
lat liamna  
zinghmei  
khou maan  
bam khou  
nganv,  
Damhpouc  
Ravguangc  
aniu ta  
nzian e

# Thaydwan 3

Aniu  
Damhpouc  
Ravguangc  
lat liamna  
zinghmei  
khou maan  
bam khou  
nganv,  
Damhpouc  
Ravguangc  
aniu ta  
nzian e

Reymei maansei nei tei Damhpouc Ravguangc lat piu bu ni simei  
bumaengc lat piu bu cho?  
Simei bumaengc lat.

Tabui swna reymei maansei nei tei Damhpouc Ravguangc khou rui nkamh  
tu cho?

Damhpouc Ravguangc lat piu makna Damhpouc Ravguangc rui sw riu twmei  
kaney sw lana kaney zak lana e.

Kakhou rui nkamh kan khou Damhpouc Ravguangc rui reymei maansei nei  
khou tei tabui sa bo?

'Ai nang ney ta nzian bam de! Ai rui nkhavlou dat puni. Nang ney ata ariw  
dat puni de.'

**Mi pary rui Damhpouc Ravguangc lam khou tabui dinc bo?**

Damhpouc Ravguangc aniu ta nzian e.

**Damhpouc Ravguangc tanc liangc e twmei thaymei rui aniu khang tabui  
gaeng bo?**

Damhpouc Ravguangc hei tanc liangmei e twmei thaymei kabac thu simei  
bumaengc khatni simei bumaengc guay rui ata ngam mak e twmei hei e.  
Ai Damhpouc Ravguangc khang na lu suanlou e.

**Mi pary maengc hei hy khang alauc nunc ta sa o.**

## Action Lu


*Aniu Damhpouc Ravguangc lat liamna zinghmei khou maan bam  
khou nganv, Damhpouc Ravguangc aniu ta nzian e, twmei dinhmei  
action lu sinsw o*

Damhpouc Ravguangc ramzian  
Daic hak e, daic hak e, daic hak e.

Damhpouc Ravguangc ramzian  
Daic hak e, daic hak e, daic hak e.

Damhpouc Ravguangc ramzian  
Daic hak e, daic hak e, daic hak e.

Damhpouc Ravguangc ramzian  
Rui ata kanlou e, kanlou e, kanlou e!



# Thaydwan 3

## Object Lesson

**Aniu Damhpouc Ravguangc lat liamna zinghmei khou maan bam khou nganv, Damhpouc Ravguangc aniu ta nzian e, twmei dinhmei object lesson sinsw o**

**Taanhmei naa:** Che paek daihmei akhat. Kati akhat Lunghthw maengc hyna kalungc khou 'DAMHPOUC RAVGUANGC RAMZIAN' twmei hylou o. 'DAMHPOUC RAVGUANGC RAMZIAN' twmei hyloumei paek tei alauc nunc khou lyan o. Damhpouc Ravguangc ramzian hei aniu khang laa nuhmei akhatni tii pat numei e twmei kabah dinclou o. Che paek kwn padeih khou tei souclou o.

Tadin: Damhpouc Ravguangc rui ata nzianmei kwn akhat ai nang niw khang tii e thei akhang kakwn azuh nai bo?

Alauc nunc:  $4 - 1 = 3$

Kati rui kakwn akhat tiap patna alauc akhat khang tii o.

Tadin: Ntaw kakwn azuh nai bo?

Alauc nunc: 1, 2, 3, 4...5!

Tadin: Akhang kakwn padeih nai tuang e, akhat tii pat kan the, kumna ntaw akhang kakwn PANGUH nai e!

Baihmei kwn kathumh tei ni tiap ganc o.

Tadin: Ntaw kakwn azuh nai bo pac zauc o.

Alauc nunc: 1, 2, 3, 4, 5, 6, 7...8!

Mi hei kumcna aniw rui Ravguangc ramzian tii pat ti thei, aniu khang nai mbu hay hay the.

Damhpouc Ravguangc ramzian thu heidikamv daicna mi hei adih cho aniu chak ngam mak e.

**Aniu  
Damhpouc  
Ravguangc  
lat liamna  
zinghmei  
khou maan  
bam khou  
nganv,  
Damhpouc  
Ravguangc  
aniu ta  
nzian e**

# Thaydwan 3



Aniu  
Damhpouc  
Ravguangc  
lat liamna  
zinghmei  
khou maan  
bam khou  
nganv,  
Damhpouc  
Ravguangc  
aniu ta  
nzian e

## Baibal Ningtow Chyam Tuang Talicmei

*Aniu Damhpouc Ravguangc lat liamna zinghmei khou maan bam  
khou nganv, Damhpouc Ravguangc aniu ta nzian e, twmei dinhmei  
Baibal chyam sinsw o*

*Kalumlu 103:4 'Kamei (Damhpouc Ravguangc) rui ata tarou khou rui kanlou  
e. Nzianmei khatni zauzian khou kamei (Damhpouc Ravguangc) rui ata  
nzianlou e, khatni suaihiamlou e.'*

**Word Picture Gui:** Alauc nunc dungc ngguic o. Alauc nunc khou Baibal  
ningtow chyam lyanlou o. Mi tei latkaeng latkaeng swna pac ranvna pac  
pat o. Thay mak saanv mi tei sa kaluiah khang alauc nunc ta sa o.  
Baibal ningtow chyam tei alauc nunc khou nkamh o.

Che kanuiah kabungcna alauc akhat ta ndat o.

Alauc nunc tei pac thay mak he thei lat phaan mi thiak hei sinsw o.

Alac tei rui mi bungc teinymna ningtow chyam tuang reymei lat tei sa o.  
Mi tangv mi na tei rui mi bungc tei nang khou ndat guang dat puni. Nang  
rui baihmei alauc akhat ta ndat dat o kumna mi tei laatowmei rui ningtow  
chyam tei sa nsuklou o. Baibal ningtow chyam tuang lat kaguay tei lev  
Kalumlu 103.4 tuang kabamv kazauhna sa suak mak saan mi thiak hei  
kaluiah kaluiahna sw o.

## Laalouna Piu Nimei

*Aniu Damhpouc Ravguangc lat liamna zinghmei khou maan bam  
khou nganv, Damhpouc Ravguangc aniu ta nzian e, twmei dinhmei  
laalouna piu nimei sinsw o*

Damhpouc Ravguangc aniu ta nzian e twmei thaymei kabac thu Damhpouc  
Ravguangc rui aniu ta gulou puni twmei aniu lwm nuh e twmei tuang e.

**Huayneymei:** Damhpouc Ravguangc Nang ata nzian bammei khang Nang ta  
thuanku e. Ai rui Nang ta khatni meickai ta sa kasic ning kasicna sw kasiclou  
ti sini, Nang ata nzian bam e. Nang rui ata gulou punimei khang thuanku e.  
Damhpouc Ravguangc, Nang thow cho, Nang ata adih nzian cho khatni Nang  
akhang tabui swlou cho twmei thay khang nkhlou o. Amen.

**Swan:** Alauc guayna khang kaniw tuang *Gaychamv Parybuk Akhat*  
tei tii tio. Kaniw tuang *Gaychamv Parybuk Akhat* tei pah khang nkhlou o.